

پارکینگین قاباغیندا پارک ائله‌ماق جرم ساییلیر

قانون مدنی بعضی یئرلرین مالکیتی و اونا متعلق اولان حق‌لر باره‌ده جزئی اشاره ائله‌ییب.

مالک، اؤز ملکونون یوخاریسی (هر نه قدر کی گنده) و اؤز ملکونون آلتینا (هر نه قدر کی آشاغی گنده) صاحب‌دیر و هنج کسین اونا تجاوز ائله‌ماغا حقّی یوخدور. آما قانوندا ملکون کنار باره‌ده هنج نه یازیلما‌ییب. البته بو قایدا بن‌بست کوچه‌لر باره‌ده صادق دئییل چونکی بو کوچه‌لر فقط اوردا ملک‌لری اولانلار و اوردا استفاده ائله‌ماغی اولانلارا مخصوص‌دور و آپریلارین اوردا ماشین ساخلاماغا حق‌لری یوخدور.

مالک، فقط ائو‌نین ایچینه مالکیت حقّی اولسا دا پارکینگ‌نین قاباغی فایدالانماق اذن‌ی وار. یعنی پارکینگین گیریشی بنایا داخل اولماق اوچون استفاده اولونا بیلن لوازمت‌اندیر. نتیجه‌ده بیر آپریسی اوردا ماشین ساخلا‌ییب مالکین گیریشینه مانع اولسا بیر جور مزاحمت ساییلیر. مثلاً کنار شخص اؤز ماشینینی اوزون مدّت سیزین پارکینگین قاباغیندا ساخلاسا اونون عکسینی سالیب مربوط اولان ارگانلارا مراجعه ائلیه بیلرسیز. قضای محکمه‌لرین وظیفه‌سی وار «مزاحمت و حق‌دن ممانعت» عنوان‌لی بو شکایته یتیشسینلر.

آما دیوار کناریندا ماشین پارک ائله‌ماغین مانعی یوخدور. چونکی فقط دیوار و اونون ایچری طرفی مالک مخصوص‌دور و مالکین اوردا «پارک ائله‌ماق قاداغان‌دیر» تابلوسونو وورا بیلمز. آما مالک اؤز دیوارینا تابلو و یا آپری بیر شئی یاپیشدیرا بیلر و هنج کسین و یا ارگانین اونا مانع اولماغا حقّی یوخدور.

توکانچیلارین توکان قاباغینا و خیابانا مالکیت‌لری یوخدور. خیابان عمومی یئر‌دیر و هامی‌یا مخصوص‌دور. توکانچی‌نین ماشینلارین پارکینا مانع اولماق اوچون توکانین قاباغینا بیر شئی قویماغا حقّی یوخدور و بئله اولسا شهرداری اونون بو ایشینه مانع اولمالیدیر.

هر بیر ائوین پارکینگ اولمالیدیر. نتیجه‌ده ماشین کی کوچه‌ده و جماعتین یولو اوستونده ساخلاماق اصلاً دوز ایش دئییل. هابئله هر ائوین ماشین گنچه بیلن قدر بیر قاپیسی اولمالیدی و اوندان آرتیغی غیر قانونی ساییلیر.